

գօր. Փիրումեանի ու գօր. Յովսէփեանի, ինչպէս նաև նահանգապետ Ղոր-
դանեանի յարաբերութիւնները, որ անդրադառնում էր շրջապատի վրա:
Զօրքերի մի մասը շտապ կերպով զինւած էր Անգլիայից նոր ստացւած Ռոս
հրացաններով, որոնց վարժ չէր: Թիկունքը լաւ կազմակերպւած չէր և
հակապետական տարրերը՝ բոլշևիկները կարողանում էին դժարութիւններ
առաջացնել: Այսպէս, հոկտ. 2-ին, Կարայալ կայսրանից եօթ վերստ հեռու,
Շահնալար գիւղի մօտ, խորտակեց ճակատը զինւորներ տանող զնացքը 14
վաղոններ ջարդեցին, սպանեց 12 և վիրաւորեց 43 հոգի: Բոլշևիկների
գործն էր այս:

Փորձելու համար մեր զօրքերի մարտունակութիւնը, այլ և ռազմական
ուզին բարձրացնելու նպատակով, բարձր հրամանատարութիւնը որոշեց
ձեռնարկել ընդհանուր յարձակման: Յաջողութեան դէպքում ենթադրոււմ
էր առաջ շարժել: Յարձակումը յաջողութիւն չունեցաւ: Թշնամու ուժեղ
դիմադրութեան հետևանքով մեր զօրամասերը նահանջեցին դրեթէ մինչև
Կարս: Այնուհետև նախաձեռնութիւն ամբողջապէս անցաւ թիւրքերի ձեռքը:
Քայլ առ քայլ ճնշելով մերոնց, հոկտ. 28-ին, նրանք գրաւեցին Վեդենքոյի
բարձունքները: Ամբողջ հոկտ. 28-ին տաք կռիւներ տեղի ունեցան: Մաղմա-
նեանի զօրամասը ձգտում էր յետ խլել Վեդենքոյը: Այս կռիւներում երկու
կողմերն էլ ունեցան ծանր կորուստներ. վիրաւորեց ճակատի պետ գլխապետ
Գնդուսին: Հոկտ. 29ին տեղի ունեցաւ զօրամասերի վերախմբում: Համաձայն
տրւած հրամանի, հոկտ. 30-ի առաւօտեան, մեր զօրքերը պիտի անցնէին
հակայարձակման Վեդենքոյը գրաւելու նպատակով: Սակայն առաջին գունդը
մերժեց կատարել հրամանը և տեղից չչարժեց: Յուսահատ և անգօր՝ գնդ.
Մաղմանեանը ամենքի աչքի առջև մատուցեց երկու գնդակից սպանեց իրեն:
Այս ևս չազդեց զօրքի տրամադրութեան վրա: Այդ միջոցին մեծ ուժով
յարձակման դիմեցին թիւրքերը: Սկսեց խուճապային փախուստ: Մեր
զօրքերի մի մասը և զրահագնացքը նահանջեցին դէպի Մաղրա. Ժողովուրդը
և զօրքի միւս մասը խուժեց դէպի կիրճը՝ Պրոխլադնոյէ գիւղի ուղղու-
թեամբ: Մեր սաւառնակը թռաւ Երևան: Կարսն ընկաւ թշնամու ձեռքը:
Գերի մնացին գօր. Փիրումեանը, գօր. Արարատեանը, գնդ. Շաղուբաղեանը,
գնդ. Վեթիլեանը, գնդ. Բարաջանովը, փոխ-գնդ. Տէր-Առաքելեանը, 30-ի
չափ գանազան աստիճանի սպաներ և մօտ 3,000 զինւորներ. նախարար Ա.
Բարալեանը, փոխ-նահանգապետ Չալխուչեանը, քաղաքագլուխ Նոհրատեա-
նը և ազգաբնակիչութեան մեծ մասը: Երեք օր անընդհատ թիւրքերը թալանե-
ցին, բռնաբարեցին, սպանեցին և ամէն տեսակ վայրենութիւններ գործ
դրին քաղաքում:

Նախարար Ա. Բարալեանը, իրրև դէպքերի ակնատես, զարհուրելի
գոյներով է նկարագրում թիւրքերի գործած վայրագութիւնները: Հայերը
ենթարկոււմ էին կոտորածի, գեղեցիկ կանայք տարւում էին հարձուութեան,
տղամարդիկ զբւում էին թիւրքիայի ներսերը: Ի միջի այլոց, ցնցող տեղե-
կութիւններ է տալիս նա բոլշևիկները կատարած դերի մասին: «Մեր դերու-
թեան հինգերորդ օրը, գրում է նա, մեզ այցելեցին չորս հայեր՝ ուղեկցու-